

cremexin. Et il Dressano fece l'oratione vulgare molto bella et eloquente, et il Doxe li rispose. Da poi il Doxe fece cavalier ditto domino Rigo Antonio, el qual vene zoso di Collegio vestito di restagno d'oro con una grossa colana d'oro al collo. *Etiam* fu fato. . . .

Et con le trombe avanti, iusta il solito, fono acompagnati a casa.

Et molto al tardi, erano quasi hore 17, fo ordinà Pregadi.

Da poi disnar adoncha fo Pregadi, perchè le cosse scaldano.

Di Hongaria, fo letto lettere di sier Lorenzo Orio dottor et cavalier, orator nostro, date a Buda a dì 25 Avosto le ultime. Come, passando 15 milia turchi el Danubio in uno loco ditto Serin per venir su l'Hongaria, hongari li fono a l'incontro et fono a le man, in modo che de turchi furono tagliati a pezi 4000, et 4000 si negorono, il resto da 1000 in fuora fuziteno. Di qual 1000 ne fu preso gran parte. Scrive esser zonto il reverendissimo cardinal di la Minerva di l'ordine di Predicatori, Legato pontificio, con li danari manda il Papa per subsidio di quel regno, el qual è intrato con gran pompa et ha confortà tutto il regno, apresso la vittoria auta, la qual vittoria si à auta da *solum* zercha 5000 hongari.

Da Constantinopoli, di sier Piero Zen orator nostro, date a dì 5 Avosto. Come de li se moriva da peste 500 al zorno, et che 'l Signor era in seraggio, nè dava audientia ad alcuno. *Item*, come avia auto audientia da li bassà et conzà quasi la cosa de li molini di Sibinicho, con quel Amet bassà pretende che i siano soi. *Item*, scrive di altre ocorentie, et come il padre di quel Embrain bassà era venuto a visitarlo vestito d'oro, dicendo è amico di la Signoria per esser di la Parga nostro subdito, offerendosi, e che 'l Signor lo mandava.

212* *Di Bergamo, di rectori, dì 7 di l'istante.* Come hanno l'antiguarda francese solamentef era passata di quà da monti, zoè 6000 fanti et 400 homini d'arme, et 15 mia lontano di Verzei in una terra detta l'Ivrea erano li sguizari, nè poteano esser insieme con francesi si non per tutto ozi a di 9. Et che 'l signor Prospero Colona havea messo fanti 800 in Novara spagnoli et altri, et ne volea meter fin a la summa di 4000 et vardar quella terra, capo domino Bartolomeo di Villachjara brexano condutier del duca di Milan, et li far testa. Et cussì in Milano; et come erano zonti li 4000 lanzinech, et 2000 grisoni in favor del ditto Duca etc.

Noto. Che 'l re di Franza, sia o non sia in campo ancora non si sà nulla di certo, et di l'orator nostro Badoer, da poi le soe da Lion di 16 Avosto, nulla se intende. In questa terra è ancora domino Ambrosio da Fiorenza milanese, orator del re di Franza, sta a San Moisè in cha' Dandolo.

Fu posto, per i Savii, far 1000 fanti da metterli in le terre nostre per custodia di quelle. Fu preso.

Fu posto per li Savii dil Consejo e terra ferma, far *de praesenti* per la bancha et do man de elezion uno pagador in campo con servitori 3, et meni il rasonato. Habbi per spexe al mexe ducati 4 *ut in parte*. Fu presa. Et fato eletion. Rimase sier Lodovico Michiel fo pagador in campo, qu. sier Piero da San Polo. Il scurtinio, ovvero li tolti, saranno qui avanti posti, e acetò. 153, 5, 2.

Fu posto per li Savii, do decime al clero, iusta il breve del Papa. Et nota, in el breve è exceptuado li cardinali et li cavalieri di Rhodi, *ut in eo*, che prima in tal decime non erano eceptuadi a pagarle. Ave: 163, 3, 2.

Et si farà per Collegio do ecclesiastici executori di ditte decime; le qual decime quando erano poste butava ducati . . . milia per una, adesso mò che li cardinali è exceptuadi et quelli di Rodi, buterano assà mancho. Fono electi domino . . . Borgaso episcopo di . . . et domino Regin prothonotario apostolico, fo fiol di domino Cristoforo.

Fu posto, per li Savii, atento furono creati per questo Consejo *alias* tre Savii sora le vendede de le botege, stacii e volte, *videlicet* sier Alvise da Molin procurator ch'è morto, sier Lunardo Mozenigo e sier Piero Lando, quali, quelli do è vivi hanno compito l'officio loro, per tanto siano electi tre di ogni loco e officio, e officio continuo, con pena, con l'autorità etc., *ut in parte*. E li danari siano aplicati a le presente ocorentie, *ut in parte*. Ave: 166, 6, 0.

Election di Pagador in campo.

Sier Zuan Francesco Bragadin savio ai ordini, di sier Piero	95. 99
Sier Marco Antonio Diedo fo camerlengo a Verona, qu. sier Simon	95.101
Sier Nicolò Boldù el XL Criminal, qu. sier Hironimo	106. 87
Sier Andrea Marzello di sier Bernardo	105. 85
Sier Marco Antonio Zorzi fo podestà a Parenzo, qu. sier Hironimo	76.120